

Te Kura Kaupapa Motuhake o Tawhiuau 2

Lianne Bird

Pouako, Te Kura Kaupapa Motuhake o Tawhiuau

Ko te whakapono o konei, mā tōna mōhio, ko wai ia, nō hea ia, me pēhea tana whakapapa atu ki ēra tāngata o tōna whakatipuranga, o runga ake, o raro iho, mā tōna noho mōhio ki ēra honotanga ā-tāngata, tuatahi, e tū pakari ai. Mā tōna mōhio ki tōna ake reo, ōna ake tikanga, ōna ake kōrero, ngā taonga i tuku iho mai. Ki ō mātou whakaaro koirā te papa.

Ko te pai o ngā hiahia o Te Marautanga, he whānui. E taea ana e ngā kaiako o ēnei rā te whakahāngai i aua hiahia ki ngā kaupapa ake o tēnā kura, o tēnā kura, nā te whānui o ēra. Arā, hei ārahi i te, i ia taumata he kōrero ārahi i ngā pouako i te tohungatanga o te tamaiti. Heoi anō, kei roto i ō ringaringa kē, he aha rā ngā mahi o roto i te rūma e tutuki ai ēra hiahia, me kī. Kāre he here o roto, he mea pai kē, kia kitea ēra taumata hei ārahi anake nei.

Nui noa atu ngā hua kua puta mēna kei te kōrerohia tēnei pakimaero kotahi nei. Tuatahi rā ko te hiakai ki te pānui. E mōhio ana tātou ngā pouako, he wero nui kei mua i te aroaro o tēnā o tēnā kia rata mai ngā tamariki ki te pānui hei pukenga whakapakari mā rātou. Nō reira, nā te hāngai o taua pakimaero ki te ao taiohi, kāre aku raruraru mō te akiaki kia pānui. Koirā te tuatahi, he mea pānui noa nei i ngā wā wātea, he tohu nui tēra mō te tohungatanga o te kaiwhakairo kupu, i waenga i tēnei, ngā tamariki o tēnei kura.

Elijah-Blue Francis-Sorenson

Ākonga, Te Kura Kaupapa Motuhake o Tawhiuau

Kāre kē he painga, ā, me puta mai tēnei momo, ēnei momo pukapuka ki ngā kura kaupapa katoa. Ko tēnei te pukapuka tuatahi o te ao, te kapo atu i ahau, ā, nō reira, ngā mihi ki a Matua Manu mō te tuhi tētahi pukapuka pēnei. E tāria ana au e hia kē ngā tau mō tētahi mea pēnei, nō reira, ae, ko ēnei pukapuka te huarahi me whai ngā kaituhi.

Lianne Bird

Pouako, Te Kura Kaupapa Motuhake o Tawhiuau

Anō hoki, tēnei mea te pānui haere. Nuinga noa atu ngā wā, ki te kore he pakimaero, ka oti i a koe tērā, tētahi tuhinga poto nei ka oti rawa mai i roto i te whā tekau mā rima mēneti, ka wetewetea. Heoi anō, ka waiho atu, ana, ka tīmatahia ake he mea anō. Ko te pai o te pakimaero, he mea pānui haere, pānui haere kia waea koe ki te ia o tētahi kōrero roa, me ōna ariā rahi nei o roto i te pukapuka kotahi. Karekau ana he kaupapa kotahi, ka whakawhānui te titiro o ngā tamariki ki te tuhinga roa tonu me ōna pikī, me ōna heke, ōna kopikopikotanga. Koirā pea te mea pai ki a au, mō tēnā, mō te reanga tau whitu pakeke ake, me matua mōhio ki ēnei momo, tēnei momo pukapuka, te pakimaero. Kia whakawhānui ake i ngā kupu, anō hoki, kia whakapakari i ēnei pukenga pānui tonu, te pānui tere nei, me te mau atu i te kiko o te, e rua, e toru whārangi nei o roto i te wā poto nei. Tēra pukenga ka tino kitea i te tau ka tae ki te

wā o te NCEA. Me matua mōhio ki te pānui pēra, he nui ngā momo pukenga, e taewa ana e te pouako me ngā tamariki te ako tahi mā te pakimaero.

Ko te painga o taua pukapuka, taua pukapuka aratohu i te pouako, ko ngā hua ka puta i taua pukapuka ko te honohono mai i ngā mahi o roto i te rūma, ki ngā mahi aromatawai o te NCEA. Koirā tētahi hua nui mō te hunga pukumahi i roto i ngā rūma, kāre tino whai wā kia tirohia whānuihia ngā kaupapa, he āta titiro ki ngā momo tuhinga. Koirā tētahi mea rawe ki a au, kāre tirohia te kōrero taki anake, te kōrero paki, i roto rā te reo tohutohu, ngā momo tuhituhi e ākonahia ana e ngā tamariki, i whai wāhi ai i roto i taua pukapuka. Nā te whai haere i ētahi o ngā ngohe o roto rā ka māmā ake ngā mahi o te rūma. Tae noa atu ki te arotake, te wāhanga arotake, aromatawai i pēhea nei te aro o ngā tamariki ki ngā mahi kua mahia o roto i te rūma. Koirā te pai o tēra o ngā rauemi.

Mōku ake, ātaahua kē ngā mahi i whakaritea, heoi anō, ētahi mahi hāpai i ngā mahi whakaako tonu, ki reira pea he hōrua nui, he whāwhārua hei whakakīkī. I te mea, taua pukapuka, E Te Tau, he nui rā ōna painga, kāre e whakakapia o roto i te mahi aromatawai anake. Mā te tiro ki te reo ā-iwi, he wāhanga nui me hāngai tonu ki taua reo me tōna motuhaketanga, te pai, te rata nei o ngā tamariki ki ngā reo o iwi kē atu. Kāre pea te tangata e kite ake, e whakakitea ake i tēra āhuetanga. Heoi anō, koirā tētahi mea hirahira ki ngā tamariki. Ka whakahīkaka i a rātou te pānui i te reo ā-iwi. Heoi anō, i roto i te aratohu kāre tino kitea tēra āhuetanga te reo o iwi kē atu, e whai wāhi ana hei aromatawai, mēna rā e aromatawaingia ngā kupu hou kua ākona, ka kitea i roto i taua pukapuka ka tino honohono ki ngā mahi o te rūma tonu. Ka kore noa iho e aro ki ngā hiahia a ngā paerewa.

Ko te whakarite i ngā mahi mō te pouako. Koirā tētahi āhuetanga, inā, pātai atu ki te pouako, he aha ngā mea whakamāmā i ngā mahi, kua hono kē ngā mahi i roto i te aratohu ki ngā paerewa. Nō reira, ehara i te mea, mā te pouako tēra e rapu atu, e kite ake, e kimi i ngā hononga ki taua pukapuka. Kua mahia kētia ēra mahi, ko tāna he whai atu, he tāpiri i ōna ake hiahia, engari kua mahia kē te papa. Māna anō e whakanikoniko. Heoi anō, ko te mahi nui kua oti kē, kua kitea ngā hononga ki ngā paerewa.

Anō hoki, te āhua o ngā ngohe, kua whakaarohia ngā whakaaro, kua whakatakotoria hei whai noa iho mā te pouako.